



Broj: 01-40-722/22
Sarajevo, 03.06.2022. godine

Na osnovu člana 11. stav (1) Odluke o uslovima i načinu korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila („Službene novine Kantona Sarajevo, broj: 36/20), objavljuje se

JAVNI POZIV
za dodjelu vatrogasnih sredstava za 2022. godinu

I PREDMET JAVNOG POZIVA

Predmet Javnog poziva je dodjela finansijskih sredstava, koja se u skladu sa članom 137. Zakona o zaštiti od požara i vatrogastvu („Službene novine Federacije BiH“, broj: 64/09) prikupljaju u Budžetu Kantona Sarajevo – Kantonalne uprave civilne zaštite Kantona Sarajevo iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila (u dalnjem tekstu: vatrogasna sredstva). Dodjela vatrogasnih sredstava će se izvršiti iz sredstava koja u skladu sa članom 3. Odluke o uslovima i načinu korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila („Službene novine Kantona Sarajevo, broj: 36/20), pripadaju formiranim dobrovoljnim vatrogasnim jedinicama u dobrovoljnim vatrogasnim društvima na nivou Kantona Sarajevo.

II KRITERIJI I POTREBNA DOKUMENTACIJA

Prijavu na ovaj Javni poziv mogu podnijeti dobrovoljna vatrogasna društva sa područja Kantona Sarajevo, u kojim su formirane dobrovoljne vatrogasne jedinice, koje ispunjavaju sljedeće kriterije:

- a) dobrovoljno vatrogasno društvo mora biti registrovano i imati sjedište na području Kantona, gdje se kao dokaz o istom prilaže rješenje o upisu u registar udruženja;
- b) dobrovoljna vatrogasna jedinica mora biti formirana u dobrovoljnem vatrogasnom društvu, gdje se kao dokaz o istom prilaže rješenje ili drugi odgovarajući dokument kojim se dokazuje da je ista formirana;
- c) u sastavu dobrovoljne vatrogasne jedinice mora biti formacija od minimalno deset vatrogasaca i vatrogasaca-vozača sa položenim ispitom za dobrovoljnog vatrogasca, gdje se kao dokaz o istom prilaže ovjerena izjava odgovornog lica u dobrovoljnem vatrogasnom društvu sa spiskom pripadnika te jedinice;

- d) u sastavu dobrovoljne vatrogasne jedinice mora biti minimalno jedan vozač-vatrogasac sa položenom vozačkom dozvolom „C“ kategorije, gdje se kao dokaz o istom prilaže ovjerena fotokopija vozačke dozvole;
- e) u sastavu dobrovoljne vatrogasne jedinice mora biti minimalno jedan komandir koji ima položen ispit za rukovodioca akcije gašenja požara, gdje se kao dokaz o istom prilaže ovjerena fotokopija uvjerenja o položenom ispitom za rukovodioca akcije gašenja požara;
- f) dobrovoljna vatrogasna jedinica mora posjedovati:
 - 1) minimalno jedno vatrogasno vozilo, gdje se kao dokaz prilaže ovjerena fotokopija saobraćajne dozvole;
 - 2) opremu za gašenje šumskih i drugih požara, gdje se kao dokaz prilaže spisak opreme, ovjeren od strane odgovornog lica u dobrovoljnem vatrogasnem društvu;
 - 3) prostorije za smještaj ljudi, vozila i opreme, gdje se kao dokaz prilaže dokaz o vlasništvu ili ugovor o korištenju objekta ili objekata, odnosno drugi odgovarajući dokument kojim se potvrđuje da se objekat koristi u ove svrhe;
 - 4) ličnu zaštitnu opremu za vatrogasce, gdje se kao dokaz prilaže spisak lične zaštitne opreme minimalno za deset vatrogasaca, ovjeren od strane odgovornog lica u dobrovoljnem vatrogasnem društvu.

Dokazi pod tačkom c) i tačkom f) podtačka 2) i 4) se ovjeravaju samo potpisom i pečatom odgovornog lica u dobrovoljnem vatrogasnem društvu i ne mogu biti stariji od šest mjeseci.

Dokazi pod tač. a), b), d), e) i tačkom f) podtačka 1) i 3) se ovjeravaju kod nadležnog organa (općina ili notar) i ne mogu biti stariji od šest mjeseci.

Dokazi pod tač. a), b) i tačka f) podtačka 3) mogu se dostaviti i kao original.

Drugi odgovarajući dokument pod tačkom b), a kojim se dokazuje da je dobrovoljna vatrogasna jedinica formirana u dobrovoljnem vatrogasnem društvu, može uključivati odluku, s tim da se ista dostavlja kao ovjerena fotokopija, kako je već gore navedeno. Iz dostavljenih dokaza mora biti vidljivo da je ista formirana. Dostavljanje statuta ili izjave od strane odgovornog lica u vatrogasnem društvu, kao dokumenta kojim se dokazuje da je u okviru dobrovoljnog vatrogasnog društva formirana dobrovoljna vatrogasna jedinica, neće se priznati kao dokaz za ispunjenje ovog uslova i takva prijava se neće uzeti u razmatranje i kao nepotpuna će se odbaciti.

Prijava na ovaj Javni poziv treba da bude potpisana od strane odgovorne osobe i ovjerena pečatom udruženja, i ista treba da sadrži podatke o broju žiro računa i banci na koju će se vršiti uplata vatrogasnih sredstava za dobrovoljno vatrogasno društvo, u kojem je formirana dobrovoljna vatrogasna jedinica.

III ROK ZA DOSTAVLJANJE PRIJAVA I NAČIN PODNOŠENJA PRIJAVA

Javni poziv ostaje otvoren 10 dana od dana objavljivanja i isti je objavljen na web stranici Kantonalne uprave civilne zaštite Kantona Sarajevo <https://kucz.ks.gov.ba/> dana 03.06.2022. godine, a krajnji rok za dostavljanje prijava je 13.06.2022. godine.

Prijave sa dokumentacijom iz tačke II ovog Javnog poziva se podnose Kantonalnoj upravi civilne zaštite Kantona Sarajevo, neposredno na protokol Kantonalne uprave civilne zaštite Kantona Sarajevo svaki radni dan od 09:00 do 15:00 sati ili preporučenom poštom na adresu: Kantonalna uprava civilne zaštite Kantona Sarajevo, ul. Fehima ef. Čurčića br. 1., 71000 Sarajevo.

Prijave se podnose u zatvorenoj koverti sa naznakom „Za javni poziv za dodjelu vatrogasnih sredstava za 2022. godinu“. Na poledini koverte obavezno je navesti: naziv podnosioca prijave, adresu i kontakt telefon podnosioca prijave.

Nepotpune, neuredne i neblagovremene prijave, neće se uzeti u razmatranje.

IV IZBOR KORISNIKA, OBJAVA REZULTATA I DODJELA SREDSTAVA

Direktor Kantonalne uprave civilne zaštite Kantona Sarajevo će posebnim rješenjem formirati komisiju od tri člana, koja će pregledati i razmotriti pristigle prijave i dokumentaciju, te na osnovu toga sačiniti prijedlog odluke o dodjeli vatrogasnih sredstava dobrovoljnim vatrogasnim jedinicama formiranim u dobrovoljnim vatrogasnim društвima sa područja Kantona Sarajevo, koje ispunjavaju sve uslove tražene ovim Javnim pozivom.

Odluku o dodjeli vatrogasnih sredstava dobrovoljnim vatrogasnim jedinicama formiranim u dobrovoljnim vatrogasnim društвima sa područja Kantona Sarajevo, koje ispunjavaju sve uslove tražene ovim Javnim pozivom, Kantonalna uprava civilne zaštite Kantona Sarajevo će objaviti na svoj web stranici; <https://kucz.ks.gov.ba/>.

Vatrogasna sredstva na osnovu ovog Javnog poziva dodijelit će se dva puta do kraja 2022. godine na žiro račun dobrovoljnih vatrogasnih društвa u kojima su formirane dobrovoljne vatrogasne jedinice i to na način da će se prva tranša dodijeliti do 30.06.2022. godine, dok će se druga tranša dodijeliti do 31.12.2022. godine.

V OSTALE INFORMACIJE

Podnositelj prijave snosi sve troškove u vezi sa pripremom i dostavljanjem njegove prijave po ovom Javnom pozivu.

Prijava i dostavljena dokumentacija po ovom Javnom pozivu ne vraća se podnosiocu prijave.



Adresa: Fehima efendije Čurčića 1, 71 000 Sarajevo

Tel: + 387(0)33 257-330, Fax: + 387(0)33 257-336

Web: <https://kucz.ks.gov.ba>, E-mail: kucz@kucz.ks.gov.ba